

ქ. თბილისი

03 ოქტომბერი 2016 წ.

ერთის მხრივ სსიპ „საქართველოს ფინანსთა სამინისტროს მომსახურების სააგენტო“ წარმოდგენილი მისი გენერალური დირექტორის გიორგი ხანიშვილის სახით, შემდგომში „შემსყიდველი“ და მეორეს მხრივ ააიპ საქართველოს სამეცნიერო-საგანმანათლებლო კომპიუტერული ქსელების ასოციაცია „გრენა“ წარმოდგენილი მისი დირექტორის რამაზ ქვათაძის სახით, შემდგომში „მიმწოდებელი“,

„სახელმწიფო შესყიდვების შესახებ“ საქართველოს კანონის (მე-3 მუხლის პირველი პუნქტის ს<sup>1</sup> ქვეპუნქტი) მოთხოვნათა შესაბამისად, გამარტივებული შესყიდვის საშუალებით, ურთიერთშეთანხმების საფუძველზე ვდებთ წინამდებარე ხელშეკრულებას შემდეგზე:

### 1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვების შესახებ“ (შემდგომში - "ხელშეკრულება") შემსყიდველ ორგანიზაციასა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით, ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „შემსყიდველი“ – სსიპ „საქართველოს ფინანსთა სამინისტროს მომსახურების სააგენტო.“
- 1.3. „მიმწოდებელი“ - ნიშნავს პირს, რომელმაც შემსყიდველთან გააფორმა ხელშეკრულება სახელმწიფო შესყიდვების შესახებ.
- 1.4. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისთვის.
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული.
- 1.6. "მომსახურება" - ხელშეკრულების მე-2 მუხლით გათვალისწინებული ხელშეკრულების საგანი.

### 2. შესყიდვის საგანი

- 2.1 ხელშეკრულების საგანს წარმოადგენს კრიპტოგრაფიული უსაფრთხოების SSL სერთიფიკატის - DIGICERT Wildcard Plus Certificate - CPV72200000 (შემდგომში „მომსახურება“) შესყიდვა.
- 2.2 ხელშეკრულების საგანს წარმოადგენს კრიპტოგრაფიული უსაფრთხოების SSL სერთიფიკატი - DIGICERT Wildcard Plus Certificate, რომელიც უნდა აკმაყოფილებდეს შემდეგ ტექნიკურ მოთხოვნებს:
  - იცავდეს eauction.ge-ს მათ შორის eauction.ge და მის ყველა მრავალდონიან ქვედომეინს (multi-level subdomain);
  - 256 ბიტის შიფრაციის მხარდაჭერა;
  - SHA2-ის მხარდაჭერა;
  - 2048 ბიტის RSA გასაღებების მხარდაჭერა;
  - ვებ ბრაუზერში სერთიფიკატზე აისახება როგორც დომენური სახელი, ასევე ორგანიზაციის დასახელება;
  - სერთიფიკატის ინსტალაციის ავტომატური შემოწმება CA-ს მიერ;
  - ინტერნეტ ბრაუზერებთან თავსებადობა - 99%;
  - სერთიფიკატის მწარმოებლის გარანტია 1,000,000\$;
  - CA-ს მხრიდან დომეინის და ორგანიზაციის იდენტიფიკაციის შემოწმება;
  - სერთიფიკატის მწარმოებლის ონლაინ დახმარების სერვისი შემდეგი არხებით: ჩატი, ელ. ფოსტა, ტელეფონი;
  - სერვერების შეუზღუდავი რაოდენობა;
  - სერთიფიკატის მართვის შესაძლებლობა მწარმოებლის ვებ გვერდზე;
  - სერთიფიკატის ნამდვილობის ვადა - 1 წელი.

### 3. ხელშეკრულების ღირებულება და ერთეული ფასი

3.1. მთლიანი სახელშეკრულებო თანხა მიმწოდებლისათვის საქართველოს კანონმდებლობით გათვალისწინებული ყველა გადასახადის გათვალისწინებით შეადგენს 1870 (ათასრვაასსამოცდაათი) ლარს, დღგ-ს ჩათვლით.

#### 4. შესყიდვის ობიექტის მიწოდების ვადები

4.1 ხელშეკრულებით გათვალისწინებული მომსახურების გააქტიურება განხორციელდება ხელშეკრულების გაფორმებიდან 10 კალენდარული დღის განმავლობაში.

#### 5. გარანტია

5.1. მიმწოდებელი იძლევა გარანტიას, რომ მომსახურების მიწოდება იქნება დროული და შეესაბამება ხელშეკრულების მოთხოვნებს.

5.2. მიმწოდებელი ვალდებულია შემსყიდველის მხრიდან შეტყობინების მიღებისთანავე განხორციელოს უხარისხოდ შესრულებული მომსახურების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯის გაწევის გარეშე.

#### 6. შესყიდვის ობიექტის მიღება-ჩაბარება

6.1. მომსახურება ან მისი ნაწილი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ, რომელიც დასტურდება მხარეების სათანადოდ უფლებამოსილი პირების ხელმოწერებით.

6.2. შემსყიდველის მხრიდან მიღება-ჩაბარების აქტზე ხელმოწერა უფლებამოსილ პირს წარმოადგენს სტრატეგიული განვითარების სამსახურის ტექნოლოგიური განვითარების განყოფილების IT სპეციალისტი ვაჟა ჩალაური.

6.3. მომსახურების მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

6.4. შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგები დაწუნებული მომსახურების და მისი წუნდების მიზეზის მითითებით.

#### 7. ანგარიშსწორება

7.1. ანგარიშსწორება მიმწოდებელთან განხორციელდება ლარებში, უნაღდო ანგარიშსწორების ფორმით მიმწოდებლის მიერ ფაქტობრივად მიწოდებული მომსახურების ღირებულების შესაბამისად.

7.2. ანგარიშსწორება მიმწოდებელთან განხორციელდება მომსახურების ან მისი ნაწილის მიღება-ჩაბარების აქტის გაფორმებისა და მიმწოდებლის მიერ *საგადასახადო ანგარიშვაქტურის* წარდგენის საფუძველზე, შესაბამისი დოკუმენტის წარდგენიდან არაუგვიანეს 10 (ათი) კალენდარული დღის ვადაში.

7.3. საქართველოს მოქმედი კანონმდებლობით გათვალისწინებული ყველა გადასახადის გადახდაზე პასუხისმგებელია მიმწოდებელი.

#### 8. მხარეთა უფლება-ვალდებულებები

##### 8.1 შემსყიდველს უფლება აქვს :

8.1.1 შეამოწმოს შესყიდვის ობიექტის ხარისხის შესაბამისობა ხელშეკრულებით გათვალისწინებულ პირობებთან;

8.1.2 რაიმე ნაკლის აღმოჩენის შემთხვევაში, აცნობოს და მოთხოვოს მიმწოდებელს ნაკლის დაუყოვნებლივ გამოსწორება.

8.1.3 მოითხოვოს მიმწოდებელისგან ხელშეკრულების ჯეროვანი, დროული და კეთილსინდისიერი შესრულება.

##### 8.2 შემსყიდველი ვალდებულია:

8.2.1 განახორციელოს მიმწოდებელთან ანგარიშსწორება ხელშეკრულებით გათვალისწინებული პირობების შესაბამისად.

8.2.2 დაიცვას ხელშეკრულებით გათვალისწინებული პირობები.

##### 8.3 მიმწოდებელს უფლება აქვს:

8.3.1 მოთხოვოს შემსყიდველს ხელშეკრულების ღირებულების ანაზღაურება ხელშეკრულებით გათვალისწინებული პირობების შესაბამისად.

##### 8.4 მიმწოდებელი ვალდებულია:

8.4.1 უზრუნველყოს ხელშეკრულების პირობების შესრულება.

8.4.2 შესყიდვის ობიექტის მიწოდების პროცესში არსებული შეფერხების შესახებ აცნობოს შემსყიდველს.

8.4.3 შესყიდვის ობიექტის მიწოდების პროცესში რაიმე ნაკლის გამოვლენის შემთხვევაში, უზრუნველყოს მისი გამოსწორება დაუყოვნებლივ, შესაბამისი შეტყობინების (ზეპირი/წერილობითი) მიღების შემდეგ.

8.5. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-ვალდებულებანი.

#### 9. მხარეთა პასუხისმგებლობა

9.1. ხელშეკრულებით გათვალისწინებული შესრულების ვადების დარღვევის შემთხვევაში, დამრღვევ მხარეს

დაეკისრება პირგასამტეხლოს გადახდა ყოველ ვადაგადაცილებულ დღეზე შეუსრულებელი ვალდებულებების ღირებულების 0,07%-ის ოდენობით.

9.2. იმ შემთხვევაში, თუ დაკისრებული პირისგასამტეხლოს ჯამური თანხა გადააჭარბებს ხელშეკრულების ჯამური ღირებულების 10%-ს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირისგასამტეხლოს ანაზღაურება.

9.3 პირგასამტეხლოს გადახდა არ ათავისუფლებს მხარეებს მათზე დაკისრებული ვალდებულებების შესრულებისგან ან დარღვევათა გამოსწორებისაგან.

9.4. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

9.5. ხელშეკრულების მონაწილე მხარეები კისრულობენ ვალდებულებას აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობისათვის ან არასრულად შესრულების შედეგად მიყენებული ზარალი, მოქმედი კანონმდებლობით განსაზღვრული წესით.

## 10. ხელშეკრულებაში ცვლილებების შეტანა

10.1 ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10.3 ხელშეკრულების პირობების, მათ შორის ფასის, გადასინჯვა შესაძლებელია საქართველოს კანონმდებლობით დადგენილი წესით.

10.4 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.5. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.6 ხელშეკრულებაში ნებისმიერი ცვლილების ან დამატების შეტანა შესაძლებელია მხოლოდ წერილობითი ფორმით, მხარეთა მიერ შეთანხმების და ხელმოწერის საფუძველზე, რომელიც ჩაითვლება ხელშეკრულების განუყოფელ ნაწილად.

## 11. ხელშეკრულების შეწყვეტა

11.1. შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება გამოსწორების შემდეგ) შემთხვევაში.

11.2. შემსყიდველს შეუძლია მიიღოს დაგაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, მიმწოდებლისათვის წერილობითი შეტყობინების შემდეგ თუ:

ა) ხელშეკრულებით გათვალისწინებულ ან შემსყიდველის მიერ გაგრძელებულ ვადებში მიმწოდებელს არ შეუძლია მიაწოდოს საქონელი ან მისი ნაწილი;

ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.

გ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) მიმწოდებლის გაკოტრების შემთხვევაში;

ე) საქართველოს კანონმდებლობით გათვალისწინებულ სხვა შემთხვევებში.

11.3. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

## 12. ფორს-მაჟორი

12.1 ხელშეკრულების პირობების დარღვევა ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას. ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ.

12.2 თუ ფორს-მაჟორული გარემოებების დადგომის გამო სახელშეკრულებო ვალდებულებების მთლიანი ან

ნაწილობრივი შეუსრულებლობის პირობები გაგრძელდა სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

12.3 ფორს-მაჟორული გარემოებების დადგომის შემთხვევაში, ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

### 13. ხელშეკრულების ინსპექტირება

13.1 შემსყიდველი უფლებამოსილია ხელშეკრულების მოქმედების ნებისმიერ ეტაპზე განახორციელოს შემოწმება, რომლის მიზანია შესყიდვის ობიექტის ხარისხის და მიწოდების ვადების შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

13.2 ხელშეკრულების ინსპექტირებას შემსყიდველის მხრიდან აწარმოებს სსიპ "საქართველოს ფინანსთა სამინისტროს მომსახურების სააგენტო"-ს სტრატეგიული განვითარების სამსახურის ტექნოლოგიური განვითარების განყოფილების უფროსი ბეჟან შარაშიძე.

13.3 გამოვლენილი ხარვეზის ან ნაკლის აღმოფხვრას ახორციელებს მიმწოდებელი, შესაბამისი ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

### 14. დავები და მათი გადაწყვეტის წესი

14.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

14.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

### 15. ხელშეკრულების მოქმედების ვადა

15.1 ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2016 წლის 31 დეკემბრის ჩათვლით.

ხელშეკრულება შედგენილია ქართულ ენაზე ორი თანაბარი იურიდიული ძალის მქონე ეგზემპლარად და ინახება ხელშეკრულების დამდებ მხარეებთან.

### 16. მხარეთა მისამართები, საბანკო რეკვიზიტები და ხელმოწერები

„შემსყიდველი“

სსიპ "საქართველოს ფინანსთა სამინისტროს  
მომსახურების სააგენტო"

ქ. თბილისი, გ. გულუას. №4

ტელ: (995 32) 2 601 601

იდენტიფიკაციო კოდი: 205081249

მიმღები: სახელმწიფო ხაზინა

მიმღების დასახელება: ხაზინის ერთიანი ანგარიში

ბანკის კოდი: TRESGE22

მიმღების ანგარიში/სახაზინო კოდი: 707027501

„მიმწოდებელი“

აიიპ საქართველოს სამეცნიერო-საგანმანათლებლო  
კომპიუტერული ქსელების ასოციაცია „გრენა“

ქ.თბილისი, თ. ჭოველიძის ქ #10;

ტელ: (+995) 32 2 25 05 90, 2 25 05 91, 577 40 55 66;

საიდენტიფიკაციო კოდი: 204 931 654;

ბანკის დასახელება: სს თიბისი ბანკის ცენტრალური

ფილიალი;

ბანკის კოდი: TBCBGE22;

მიმღების ანგარიში: GE28TB 0600 0000 0370 0507



გიორგი ხანიშვილი  
გენერალური დირექტორი



რამაზ ქვათაძე  
დირექტორი

03 ოქტომბერი 2016 წელი


ჩვენ ქვემოთ ხელისმომწერი, გავეცანით „სახელმწიფო შესყიდვების შესახებ“ საქართველოს კანონის მე-8 მუხლით დადგენილ ინტერესთა კონფლიქტის თავიდან აცილების პირობებსა და წესებს და ვადასტურებთ, რომ ჩვენი მონაწილეობა სსიპ „საქართველოს ფინანსთა სამინისტროს მომსახურების სააგენტო“-ს მიერ კრიპტოგრაფიული უსაფრთხოების SSL სერტიფიკატის შესყიდვის საქმიანობაში, რომელსაც ახორციელებს ააიპ საქართველოს სამეცნიერო-საგანმანათლებლო კომპიუტერული ქსელების ასოციაცია „გრენა“, არ იწვევს ინტერესთა კონფლიქტს.

სსიპ „საქართველოს ფინანსთა სამინისტროს მომსახურების სააგენტოს“ გენერალური დირექტორი

  
\_\_\_\_\_


გიორგი ხანიშვილი

სსიპ „საქართველოს ფინანსთა სამინისტროს მომსახურების სააგენტოს“ სტრატეგიული განვითარების სამსახურის ტექნოლოგიური განვითარების განყოფილების უფროსი

  
\_\_\_\_\_

ბეჟან შარაშიძე

სსიპ „საქართველოს ფინანსთა სამინისტროს მომსახურების სააგენტოს“ სტრატეგიული განვითარების სამსახურის ტექნოლოგიური განვითარების განყოფილების IT სპეციალისტი

  
\_\_\_\_\_

ვაჟა ჩალაური